

U namjeri da ostvare saradnju

JU „Kantonalni centar za socijalni rad“ Sarajevo i
i
Predstavništvo strane humanitarne organizacije „SOS-KINDERDORF
INTERNATIONAL“ sa sjedištem u Sarajevu

zaključuju

MEMORANDUM O SARADNJI


Član 1 **(Predmet)**

- (1) Predmet ovoga Memoranduma o saradnji je saradnja u oblasti socijalne i dječije zaštite u Kantonu Sarajevo kroz unaprjeđenje sistema socijalne zaštite građana, prava i položaja djece i odraslih u cilju ostvarivanja prava iz socijalne zaštite i zaštite porodica sa djecom.
- (2) Svrha Memoranduma o saradnji je ostvarivanje zajedničkih strateških ciljeva u oblasti socijalne zaštite i socijalnih usluga za djecu bez roditeljskog staranja, mlade osobe koje napuštaju sistem javne brige, porodice sa djecom u stanju socijalne potrebe, porodice u pojačanom nadzoru i druge kategorije djece, mladih i porodica sa djecom u stanju socijalne potrebe.
- (3) Ovaj Memorandum o saradnji nije predmet finansijskih potraživanja Predstavništva strane humanitarne organizacije „SOS-KINDERDORF INTERNATIONAL“ sa sjedištem u Sarajevu (u daljem tekstu: SOS Dječija sela u BiH) ili JU „Kantonalni centar za socijalni rad“ (u daljnjem tekstu: Kantonalni centar).

Član 2. **(Smještaj i briga o djeci bez roditeljskog staranja)**

Po zahtjevu Kantonalnog centra, SOS Dječija sela u BiH će u skladu s vlastitim mogućnostima, raspoloživim resursima i potrebama mjesno nadležnih službi socijalne zaštite Kantonalnog centra, odgovoriti na zahtjeve za prijem djece bez roditeljskog staranja na smještaj i brigu koji podrazumijevaju:

- a) Uslovan smještaj i brigu u SOS porodici u skladu sa UN Konvencijom o pravima djece, UN Smjernicama za alternativno zbrinjavanje djece te drugim




- međunarodnim i domaćim aktima kao i internim dokumentima SOS Dječijih sela BiH koje regulišu oblast smještaja i adekvatne brige o djeci i mladima.
- b) Izradu Individualnog razvojnog plana za dijete u saradnji sa općinskim službama socijalne zaštite i Službom za hraniteljstvo.
 - c) Obezbjedenje uvjeta za obrazovanje s ciljem osposobljavanja za samostalan život, pripremu za povratak u porodicu porijekla ili druge oblike brige, a sve u skladu sa individualnim interesima i kapacitetima djeteta i njegovim potrebama.
 - d) Obezbjedenje odgoja i psihopedagoške podrške u duhu tradicije iz koje dijete potječe.
 - e) Obezbjedenje ostvarivanja usluga zdravstvene zaštite u skladu sa individualnim potrebama i zakonskim mogućnostima.
 - f) Obezbjedenje podrške u ostvarivanju kontakata sa porodicom porijekla.
 - g) Osiguranje zaštite dostojanstva, osobnog integriteta i tajnosti podataka o djetetu.
 - h) Voditi evidenciju i dokumentaciju o svim važnim životnim okolnostima djeteta, te redovno izvještavati organ starateljstva.
 - i) Druge uslove neophodne za pravilan rast i razvoj u skladu sa najboljim interesom djeteta uvažavajući njegove individualne potrebe.

Član 3. (Hraniteljstvo)

Po zahtjevu Kantonalnog centra, SOS Dječija sela u BiH će u skladu s vlastitim mogućnostima, raspoloživim resursima i iskazanim potrebama pružiti podršku u cilju unaprjeđenja sistema hraniteljstva na području Kantona Sarajevo kroz navedene aktivnosti:

- (1) Vršiti uključivanje postojećih hraniteljskih porodica u Program podrške SOS Centra za hraniteljstvo u Kantonu Sarajevo u cilju pružanja stručne, psihosocijalne podrške i savjetovanja, materijalnu i nematerijalnu pomoć hraniteljskim porodicama po osnovu individualnog plana razvoja djeteta i plana razvoja hraniteljske porodice.
- (2) Pružanje stručne podrške specijaliziranim hraniteljima i djeci u specijaliziranim hraniteljskim porodicama.
- (3) Uključivanje u planiranje, kreiranje i provedbi kampanja i drugih oblika promocije hraniteljstva, s ciljem osnaživanja sistema hraniteljstva i povećanja broja hraniteljskih porodica na području Kantona Sarajevo.
- (4) Predlaganje i realiziranje novih i dodatnih aktivnosti za djecu u hraniteljstvu u cilju povećanja kvalitete brige, te njihovog osnaživanja i osamostaljenja.
- (5) Učestvovati u zagovaranju unaprjeđenja hraniteljstva u cilju deinstitucionalizacije, sprječavanja institucionalnog smještaja djece bez roditeljskog staranja i smještaja djece iz institucija u hraniteljske porodice.




- (6) Učestvovati u relevantnim radnim tijelima, javnim raspravama i drugim skupovima i grupama u cilju promocije i poboljšanja sistema hraniteljstva.
- (7) Realizirati aktivnosti na projektima, programima i drugim aktivnostima od značaja za hraniteljstvo na području Kantona Sarajevo.

Član 4.
(Preventivne i socijalne usluge i servisi)

- (1) Po zahtjevu Kantonalnog centra-općinskih službi socijalne zaštite i Službe za hraniteljstvo, SOS Dječija sela u BiH će u skladu sa vlastitim mogućnostima i raspoloživim resursima, kroz Program jačanja porodica pružati podršku djeci, mladima i porodicama u stanju socijalne potrebe na području Kantona Sarajevo.

Program jačanja porodica uključuje sljedeće aktivnosti:


- a) Pružanje preventivnih i savjetodavnih usluga djeci, mladima i porodicama u socijalnoj potrebi;
 - b) Jačanje roditeljskih kompetencija, porodičnih odnosa i socijalnog funkcionisanja porodice;
 - c) Podršku djeci u obrazovanju, psihosocijalnom razvoju i pristupu zdravstvenim i drugim osnovnim uslugama;
 - d) Privremenu materijalnu i drugu vrstu podršku usmjerenu na stabilizaciju porodičnih uslova;
 - e) Osnaživanje porodica u oblasti zapošljavanja, sticanja radnih vještina i ekonomskog jačanja;
 - f) Vođenje propisane stručne dokumentacije i u saradnji sa općinskim službama socijalne zaštite i Službom za hraniteljstvo izradu individualnih planova razvoja i planove razvoja porodice;
 - g) Po zahtjevu općinskih službi socijalne zaštite i Službe za hraniteljstvo pružati dodatnu podršku porodicama porijekla djece smještene u alternativne oblike brige, u cilju pripreme i reintegracije djeteta u porodicu;
 - h) Po zahtjevu općinskih službi socijalne zaštite i Službe za hraniteljstvo pružanje dodatne podrške porodici prije, tokom i nakon reintegracije, radi očuvanja stabilnosti porodice i prevencije ponovnog izdvajanja djeteta..
- (2) Po zahtjevu općinskih službi socijalne zaštite i Službe za hraniteljstvo, SOS Dječija sela u BiH će uključivati djecu i mlade bez roditeljskog staranja i mlade iz socijalno ugroženih porodica na području Kantona Sarajevo u SOS programe i projekte osnaživanja i osamostaljenja mladih osoba, u skladu sa mogućnostima SOS Dječijih sela u BiH.



Programi i projekti osnaživanja i osamostaljenja mladih osoba uključuju sljedeće aktivnosti:

- a) Pružanje kontinuirane psihosocijalne podrške mladima radi jačanja ličnih, socijalnih i emocionalnih kapaciteta za osamostaljenje.
 - b) Individualno i grupno savjetovanje s ciljem jačanja samopouzdanja, motivacije, otpornosti na stres i odgovornosti.
 - c) Uspostavljanje i provođenje mentorstva sa mladim osobama radi razvoja životnih i radnih vještina.
 - d) Praćenje napretka korisnika u procesu osamostaljenja i zapošljavanja te prilagođavanje oblika podrške u skladu s identificiranim potrebama.
 - e) Procjena radnih potencijala, vještina i potreba mladih radi izrade individualnog plana osamostaljenja i zapošljavanja.
 - f) Profesionalna orijentacija, karijerno savjetovanje, osposobljavanje i obuka za sticanje praktičnih i tržišno relevantnih vještina, uključujući programe prekvalifikacije i dokvalifikacije i sticanje dodatnih vještina i kvalifikacija koje povećavaju zapošljivost.
 - g) Podrška u traženju zaposlenja, uključujući pomoć u izradi CV-a, pripremu za intervju i povezivanje s poslodavcima.
 - h) Razvoj radnih navika i jačanje kompetencija za samostalan život, uključujući finansijsku pismenost i upravljanje ličnim budžetom.
 - i) Saradnja s javnim institucijama, obrazovnim ustanovama i poslodavcima radi stvaranja prilika za zapošljavanje i pripravništvo, uključujući učešće na sajmovima poslova, kampovima, i drugim strukturiranim programima usmjerenim na razvoj ličnih i profesionalnih kompetencija
 - j) Uključivanje mladih koji su odrasli u SOS Dječijim selima u BiH i mladih iz hraniteljskih porodica uključenih u Program podrške SOS Centra za hraniteljstvo u Sarajevu u SOS Program samostalnog življenja uz podršku.
 - k) SOS Dječija sela u BiH će redovno izvještavati Kantonalni centar za socijalni rad, odnosno nadležnu službu socijalne zaštite o osobama uključenim u svim aktivnostima koje se provode i postignutim rezultatima.
- (3) Po zahtjevu Kantonalnog centra- općinskih službi socijalne zaštite i Službe za hraniteljstvo, SOS Dječija sela u BiH će u skladu sa vlastitim mogućnostima i raspoloživim resursima, pružiti podršku djeci bez roditeljskog staranja i djeci i roditeljima/starateljima u stanju socijalne potrebe na području Kantona Sarajevo kroz uključivanje u programe Centra za rani rast i razvoj.

U Centru za rani rast i razvoj obezbjedit će se:




- a) Rano prepoznavanje razvojnih odstupanja i procjena razvojnih potreba djece kroz multidisciplinarni pristup.
- b) Psihološka procjena, savjetovanje i terapijski rad s djecom i roditeljima/starateljima.
- c) Logopedska dijagnostika i tretman poremećaja govora, jezika i komunikacije.
- d) Defektološka procjena i provođenje individualnih i grupnih razvojno-edukativnih tretmana.
- e) Provođenje neurofeedback tretmana u cilju unaprjeđenja pažnje, samoregulacije i kognitivnog funkcionisanja djece.
- f) Provođenje senzorne integracije i terapijskih aktivnosti u senzornoj sobi radi poticanja senzorne obrade i razvoja motoričkih i emocionalnih vještina.
- g) Provođenje individualnih razvojnih planova za dijete, sačinjenih u saradnji s roditeljima i Kantonalnim centrom-općinskim službama socijalne zaštite i Službom za hraniteljstvo.
- h) Savjetodavna i edukativna podrška roditeljima/starateljima u cilju jačanja roditeljskih kompetencija i stimulativnog okruženja za razvoj djeteta.
- i) Praćenje napretka djece i periodična evaluacija učinaka provedenih tretmana.

Član 5 (Drugi oblici saradnje)

SOS Dječija sela u BiH i Kantonalni centar će u skladu sa potrebama, mogućnostima i prilikama saradivati i na navedenim područjima:

- a) Edukacija i profesionalno osnaživanje stručnjaka Kantonalnog centra i SOS Dječijih sela u BiH u oblasti zaštite djece i podrške porodicama.
- b) Priprema, implementacija i praćenje projekata koji doprinose unaprjeđenju sistema zaštite djece, osnaživanju mladih i podršci porodicama.
- c) Zagovaranje, partnerstvo i jačanje mehanizama zaštite uključujući predlaganje i uključivanje institucija, organizacija, donatora i drugih aktera u planiranje i realizaciju programa.
- d) Umrežavanje, razmjena iskustava i planiranje uspostave novih programa i inovativnih servisa, uključujući studijska putovanja i posjete partnerskim organizacijama i institucijama.
- e) Razvijati programe samostalnog življenja uz stručnu podršku mladim ljudima koji su napustili javnu brigu.
- f) Saradnja u pružanju intervencija djeci, mladima i porodicama u socijalnoj potrebi ili u kriznim situacijama i stanju neposredne ugroženosti na području Kantona Sarajevo.



- g) Obilježavanje međunarodno priznatih datuma i druge relevantne aktivnosti u najboljem interesu djece bez roditeljskog staranja i korisnika sistema socijalne zaštite, kako predlože SOS Dječija sela u BiH i Kantonalni centar, radi podizanja svijesti, podrške i zaštite prava djece i mladih.

Član 6 (Završne odredbe)

- (1) Sve nesporazume koji bi mogli proisteći iz tumačenja ovog Memoranduma o saradnji, SOS Dječija sela u BiH i Kantonalni centar će nastojati riješiti u duhu dobre volje i saradnje.
- (2) SOS Dječija sela u BiH i Kantonalni centar sporazumno utvrđuju da su Memorandum o saradnji pročitali i razumjeli, da na isti nemaju primjedbi, da u cijelosti prihvataju sva prava i obaveze koje iz njega proizilaze, te da ga u znak prihvatanja, po licima ovlaštenim za zastupanje, potpisuju.
- (3) Memorandum o saradnji stupa na snagu danom potpisivanja, a primjenjivat će se do 31.12.2027.godine.
- (4) Memorandum o saradnji se može raskinuti i prije isteka vremena na koji se potpisuje, na zahtjev jedne od strana potpisnica, uz prethodnu obavijest druge strane potpisnice.
- (5) Memorandum o saradnji je sačinjen u 4 (slovima: četiri) istovjetna primjerka pri čemu svaka strana zadržava po 2 (slovima: dva) primjerka.

U Sarajevu, 09.04.2026. godine

JU „Kantonalni centar za socijalni rad“ Sarajevo

Draženka Osmanspahić, direktorica

Predstavništvo strane humanitarne organizacije
„SOS-Kinderdorf International“ sa sjedištem u Sarajevu

Malik Garibija, nacionalni direktor



Broj:

31-01/21-530-1098/26



Broj:

01-1015/26